

लईका मन बर बाईबिल
प्रस्तुत करत हवे।

दोगला
याकुब




लिखे गए हवे। : Edward Hughes
उत्साह बढ़ाए गए हवे। : M. Maillot; Lazarus
चयन करे गए हवे। : M. Kerr; Sarah S.
अनुवाद करे गए हवे। : मधुलिका महतो
बनाए गए हवे। : Bible for Children
www.M1914.org

BFC
PO Box 3
Winnipeg, MB R3C 2G1
Canada

©2015 Bible for Children, Inc.

लाईसेंस : आप मन करा इ कथा ल छापे बर अऊ नकल करे के अधिकार
तभे तक हे जब तक आप मन एला बेचिहा नाही।






का कभु भगवान हा तुहर परवार म
कोन्हो लईका ल दीस हावय ?
कतेक उमंग होथे । इसहाक
अऊ रिबका हर दुंगुना
खुसी होय होही । काबर
कि भगवान हर ओला
जोरन्धा लईका देहे बर


जावत
रहिस ।



रिबका के पेट के भीतरी म
दुनों लईका मन सनधरस
करिन। जभे ओहर
विनती करिस, तभे
भगवान हा ओकर
ले कहिस ओकर
दुनो बेटा दु ठीन
देस के अगुवाही
करहि—अऊ छोटे बेटा
अड़बड़ महान होही। आम
तउर म बड़खा हर जादा
महान रहिस। आखिर म दुनु
लईका मन जनम लेईन।



जोरन्धा लईका मन एके कस नई रहिन। एसाव,
बड़खा टुरा अड़बड़ चुंदी बाला रहिस अऊ बड़खा
होके एक ठीन चउतरा सिकारी होईस। याकुब
हा चिकन चमड़ी वाला रहिस अऊ घर के
काम काज ल नई मन करत रहिस।



ददा इसहाक, एसाव ल अड़बड़ मया करत रहिस। पर
दाई हा सबो दिन याकुब के पक्छ ल लिस।



एक दिन, एसाव भुखाय रहिस। ओहर याकुब ल कहिस,
“मोला खायबर देवा।” याकुब हा मांगिस, “मोला अपन जनम भर

के अधिकार ल बेच दे।”

एसाव भगवान दवारा
ठहराय गय पहिलौठा

कर जनम सिद्ध

अधिकार के वादा के

बारे म परवाह नई

करिस। ओहर याकुब के

संग म सउदा करिस।

ओखर ददा कर मरे के

पाछु म अब याकुब परवार


कर मुखिया होही।




भगवान हर एकठी रथिया इसहाक ले गोठियाइस । “मयहा तुहर ददा
इब्राहीम के भगवान हावव मय हा तोर संग म हावौ । मय हा तुहर
कुल ला आसीरवाद दिहा ।”



हालाकि, इसहाक भगवान के उपासना करिस, पर ओखर बेटा एसाव
हा हित्तियों म बिहाव कर के दुठा घरवाली कर दारिस, एक अइसे
मइनखे जोनला भगवान के बारे म परवाह नई रहिस।





इसहाक हर डोकरा हो गिस। ओहर
एसाव ल कहिस “किरपा करके मोर बर
ताजा माँस लान दे।” ताकि मय हर तोला
अपन आसीरवाद ल दे दों। इहर बिसेस
आसीरवाद सब्बो पहिलोठा बेटा ल ददा ले
मिलत रहीस। एसाव हड़बड़ा के सिकार करे
बर बाहिर अंगत चल दिस। लेकिन, रिबका,
इ सबो गोठ ल सुन दारे रहिस। ओहर
चाहत रहिस कि इ
आसीरवाद

हा याकुब ल
मिलय।





रिबका हा एकठीन योजना
बनाईस । ओहर फट ले रांधीस,
जोनहर इसहाक ल अड़बड़
पसंद रहिस । ऊंहे याकुब
हड़बड़ ले एसाव के ओन्हा
पहिन दारिस हाथ अऊ घेंच
म जानवर मन कर चुंदि वाला
खाल ल डार दिस । इसहाक
हर अड़बड़ सुध्घर ले देखे नई
सकत रहिस । साइद एखेरे
सेती ओहर ओला ठगे पातिस ।



याकुब हर इसहाक बर भात
लानिस। "तोर सुर हर याकुब
कस हावे," इसहाक हर कहिस,
लेकिन तोर हाथ हर एसाव
कस लागत रहिस हावे। भात
खाय के पाछु " इसहाक ओखर
आघु घुटना ल टेक के बेटा ल
आसीरवाद देइस।



याकुब हर जइसे ऊंहा ले परस्थान करिस, ओखर तुरत पाछु म
एसाव, इसहाक के लकठा म आइस। ओहर कहिस, ईहां तुहर भात

हावे। "इसहाक हर जानदारिस कि
ओला ठग दे गय हावय। मय
हर आसीरवाद नई बदलय
सकव" ओहर रोइस। एसाव
कर करेजा हर घिरना ले भर
गइस। ओहर याकुब ल जान
ले मारे बर फइसला करिस।



रिबका हर एसाव के धमकी ल सुन दारिस। ओहर याकुब ल कहिस,
"अपन ममा के घर म चल दे ऊँहा तभे तक रहिबे जभे तक तोर
भाई भूला नई जाय कि तय हर ओखर
संग म काय करे हस।" इसहाक हर
राजी रहिस कि याकुब ओखर महतारी
के परवारेच म अपन बर घरवाली
खोजइस। एखरे बर याकुब
घर ले चल दिस।



जात्रा कर उ रथिया याकुब

सुते बर एक ठीन पथरा ला

तकिया कस राखिस। साइद ओहर

एकला रहिस, एखरे बर ओहर

डरात घलो रहिस। लेकिन

ओहर एकला नई

रहिस। भगवान हर

एक ठीन अद्भुत सपना

द्वारा ओखर ला


गोठियाईस।



“मय हर तोर ददा इब्राहीम अऊ इसहाक के
भगवान हावव ।” मय हर तुहर संग म हावव । “मय इ भुइयां
ल दिहा । तुहर परवार के दवारा भुइयां मन के सब्बो परवार मन
आसीसित होही ।” जइसन ही भगवान हर गोठियास ल
सिराइस याकुब हर नींद ले जाग उठिस ।
ओहर डरा गय रहिस ।



याकुब के ममा लाबान हर ओखर स्वागत करिस। याकुब हर अपन ममा के बेटी राहेल ल परेम करय लागीस अऊ ओखर ल बिहाव करय बर सात बछर ले लाबान कर सेवाल करीस।



लेकिन, बिहाव के रथिया, लाबान हर याकुब ल धोखा दिस।

“इ हा राहेल नई हावय, इ ह लिआ हावय,” याकुब हर सिकायत करिस। “तेहर मोला, धोखा दे हावस। सबले आघु बड़खा बेटी के बिहाव करय ला चाहि,” लाबान हर कहिस। “अभो घलो तेहर राहेल करा बिहाव कर सकत हस लेकिन अऊ सात बछर मोर सेवा करय परही।” याकुब हर मान गईस। साइद ओहर सुरता करिस कि एसाव अउ

इसहाक ल
कइसे अपनेच
हो के ओहर
धोखा दे रहिस।



याकुब के गियारह बेटा रहिस। जइसन
बछर बितत गईस ऊ हर अपन परवार
ल कनान लउटाए ले जाय बर अब्बड़
चाहे लगिस। ओखर दाई—ददा मन
उंहेच रहत रहिन। लेकिन ऊहा एसाव
घलो रहिस जेन हर ओला जान ले मारे
बर किरिया खाय रहिस। का उ
हर सुरछित
रहिस ?



एक दिन भगवान हर
ओला लहुटाए बर
कहिंस। याकुब हर घर
वापिस जाय के सेती
अपन परवार अऊ झुन्ड
ल जोरिस।



का सुखद जात्रा रहिस। एसाव
चार सउ पुरुस मन के संग
मयाकुब करा मिले सेती
आइस। लेकिन ओहर
याकुब ल कोन्हो परकार
ल नकसान नइ पहुंचाइस।



ओहर कुद्त कुद्त याकुब करा
गईस। अऊ ओला परेम ले भेंट
लागिस। याकुब अउ एसाव
फेर ले गिया बन गिन,
अऊ याकुब घर म
सुरछित रहिस।



दोगला याकुब

इ कथा हर भगवान के बचन के द्वारा एक ठी बाईबिल

पाए जाथे ।

उत्पत्ति 25—33

"आप मन कर बानी हर एला अंजोर देथे ।"

भजन संहिता ११९ : १३०






समाप्त ।



6



60



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद इशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आज्ञा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

